



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

**Mallinckrodt, Bernhard von
Monasteri[i] Westphaliae, 1640**

Henricvs septimus.

urn:nbn:de:hbz:466:1-11835

Datum apud Spiram, per manus Magistri Ebernandi Proto-
notarij & Vice-Cancellarij curiæ nostræ. *Leheman. in Spir. Chron.*
lib. 5, cap. 20. An. seq. 1294, Diploma Adolphi Bertollsgadenfibus datum recog-
noscens, sic subnotat: Datum Burnis, per manum Ebernandi re-
galis aulæ Cancellarij. *Metrop. Salisb. tom. 2, pag. 183.*

ALBERTVS I Imp.

Eberardus de Lapide vir nobilis, in confirmatione Priuilegiorum *Eberardus*
Spirensibus ab Alberto Austriaco, an. 1299 datâ, reliquorum testium nu- *de Lapide.*
mero insertus est, cum elogio Cancellariatûs Imperialis aulæ. *Chron. Spir.*
lib. 7, cap. 2.

Ioannes Thuricensis apud Heluetios Præpositus, circa annum *Ioannes*
1303, apud Hundium se præsentat; apud quem Diploma Canonicis regulari- *Episcopus*
bus in Berchtolsgaden concessum hac subscriptione finitur: Datum in *Aistetenfis*
Viennâ per manum Gebevini Imperialis aulæ Notarij, ge- *& Argen-*
rentis vices honorabilis viri Magistri Ioannis, Præpositi Ec- *tinensis.*
clesiæ Thuricensis, eiusdem aulæ Cancellarij. Ortum habuit *Gebeuini*
è nobilium familia à Dierpheim in Heluetijs; sed extra thorum legitimum *Notari-*
progenitus. Commendatione Alberti, qui prius præfecturam (ita Bruschi-
us, fortè Præposituram intelligit) Thuricensem contulerat, ab Aichsteten-
si Collegio Antistes lectus; ac euoluto biennij curriculo, Clementis V liberali-
tate, Argentinensis Ecclesiæ Pastor factus est, ubi quatuor schismatici de Epi-
scopio digladiabantur, omnes illustri loco nati. Fuisse scribitur excellens
iuris Canonici scientiâ, & præpotens Regis Cancellarius.
Præfuit Argentinensi Cathedræ maximâ laude, annis 21. obiit anno æræ
Christi, 1328.

HENRICVS septimus.

Henrici septimi Cancellarium aliquem necdum noui; legimus tamen
apud Bruschi-um in *Spirensium Episcoporum Catal.* Sibothonem à *Sibotho*
Lichtenberg, eius loci Præfulem, intimum Confiliarium illius *Episcopus*
Principis fuisse. quod de Cancellario interpretari, nulla sit absurditas. Ac tan- *Spirensis,*
tò minor ambigendi locus relinquitur, quòd dicat idem Auctor, in Regum

M 1

choro

choro sepultum fuisse. de qua sepultura in sequentem modum scripserat idem Bruschijs, in Conrado de Scharffeneck Episcopo: *Sepelitur in Regum choro; in quo nullus Episcopus aliquin humari solet, nisi qui Caesarum vel Regum fuit Cancellarius.* Elogium, quod eidem impertitur, à munere hoc minimè alienum est; ut non gessisse tantum, sed etiam meruisse tam arduos honores sciamus. *Fuit Iustitia & equitatis,* verba sunt Bruschijs, *promotor ac defensor acerrimus; iniquitatis verò, violentia, ac iniustitia tyrannidis hostis etiam ac vindex seuerissimus.*

LUDOVICVS Bauarus Imp.

Hermannus de Lichtenberg, Episcopus Herbipolensis.

Vel primus, vel inter primos Ludouici quarti Cancellarios, numerandus venit **Hermannus Baro de Lichtenberg** Alsatus, nepos, ut coniectare licet, prædicti Episcopi Spirensis Sibothonis; qui Domini sui fauore & commendatione, à parte Canonicorum Herbipolensium, an. 1333, in Episcopum postulatus fuit è Spirensi Canonico; cum in schismate reliqua pars Othonem Wolfskehl, Equitem Franconem & Canonicum Herbipolensem, elegisset. Huic, uti Benedicti XI Pontificis gratiâ, in odium Imperatoris, subnixo, & in dignitate confirmato, post biennium Hermannus spontè cessit. Dynastia Lichtenbergensis hodiè Hanauia Comitum ditionis est. Per huius manum (ista formalia in locum recognitionis antiquitus vñitata postmodum præualuerunt) datum est Priuilegium, quod Berchtolsgadensibus Præposito & Canonicis concessum fuit an. 1323, apud Hund. in *Metrop. tom. 2, pag. 185.* Idem inter reliquos testes subscripsit Diploma Ludouici, an. 1328 Romæ emissum, quo Castrucium Castracanum Lucensium Dominum infeudat & inuestit de Comitatu Lateranensis Romani Palatij, apud Goldast. *tom. 1 Imper. Const. pag. 330:* vbi pro Lichtenberg mendosè legitur *Lintelberg*; alieubi, pari errore, *Litelberg.*

Henricus de Chalem, Ord. Minorum.

Hermannum dubito an non temporis ordine præcesserit **Henricus de Chalem**, Magister S. Theologiae, & Ordinis fratrum Minorum Religiosus Presbyter. de quo id (quod Cancellarius fuerit) affirmat Ioan. 22 Pontif. Max. in quadam Bullâ suâ, an. 1330 publicatâ, quæ inter reliquas Apostolicas literas, pro Sanctissimæ inquisitionis officio, Romæ sedente Gregorio XIII, impressa fuit. In illa inter cetera hæc leguntur: *Nec-non & Henricus de Chalem, dicti ordinis cuius perfectio inter alias potest percipi; quia Ludouici de Bauaria, se pro Imperatore gerentis, de diuersis damnati heresibus, Cancellarij officium diutius gerere non expauit. Quod quidem officium, quantum professioni illorum, qui se nihil habere asserunt in proprio vel communi, seq̃, Christum pauperem nudos sequi, congruat, potest*